


北京圖書館
編

北京圖書館藏家譜叢刊
閩粵（僑鄉）卷

北京圖書館出版社

節堂祖世德堂祠社圖

吳堯階繪



北京圖書館
編

北京圖書館藏家譜叢刊
閩粵
(僑鄉)卷

第 44 冊

北京圖書館出版社

節堂祖世德堂祠址圖

吳亮階繪

第 四 十 四 冊 目 錄

粵東簡氏大同譜 卷十一至十三.....	一七六五
順德簡岸簡氏家譜.....	二二五三

粵東簡氏大同譜卷十一

家傳譜

世傳

南塘系十九世太居公

族弟見熙公子藝圃公附

公諱思敬字孟熙號大居古峯公十九世孫而燦垣公子也幼聰敏家貧無以就傳邑城劉公高岡聞之使人攜至劉家一見稱異與其父母訂通家迺居劉家資之讀書公敏而好學挾冊成誦過目不忘其勤則日習經史下帷不窺園年十八補邑博士弟子員年二十一舉於鄉在乾隆癸卯科鄉試其後疊會試薦而未售南歸設館鐵城來學盈門嘉慶辛酉大挑知縣籤分江西以親老回籍終養旋丁父憂服闋江西試用以母老改就

教職補潮州府大埔縣訓導調感恩縣教諭嘉慶十六年辛未
六月十日卒於官年四十九公惇孝行定省溫清無或曠而始
安不徒洗腆致養必務悅親心其爲子之情雖去官職歟雖改
官職歟惟求盡子職於愛日之時無可奪焉鄉舉後卽倡族羣
捐金重建祖祠其接於人也光風霽月善氣以迎見卑微如肅
大賓鄉鄰有事得公一言而禍立止生平廉靜非義者一介不
取方其在籍邑宰彭公許公慕其學行欲常至下榻而談然非
公不至凡干援請謁之私纖毫皆絕及其在官潔己有常信而
獲上時旣奉調斯嚮用其人矣迨卒於官多士哀之公族弟思
齊字見熙暢朝公子自潮州扶公櫬歸弔祭者衆族弟旣哀且
勞詩所謂死喪之威兄弟孔懷也令甲卒於官者喪歸得入城

治喪重其終於勤國事也當公卒時公母年七十八矣而存沒
有可慰者則以公子廷華能以孝孫而代孝子之養也公喪服
闋廷華卽選郡學時年三十二公母有孝孫年八十八而終如
公在終養然也溯建祠籌捐自嘉慶元年歷生殖十七年建祠
迺成公卒後而終祠事又有超亭公諸賢公其無憾也廷華字
載經號藝圃少隨父任而學夙負時望父有同年以學使按臨
書來速赴考乃反不行不貢緣以進嘉慶甲戌歲試上堂納卷
見友人因事被繫爲之申辯操正音宗師疑之將困之而所辯
不屈宗師閱其卷察其才補郡博士弟子員道光末勦辦四都
約務鯁直不避嫌怨事賴平章雲衢書院兩都育才地也院有
沙產膏火資焉而近邨奪之旣訟多年終以藝圃公力爭得直

其後赴考錄科卒於旅次年六十三都人士發院款治其喪念

有功也公續脩糸譜有本姓攷具粵崖公傳

據族孫芷溪公撰大居公傳族曾孫

斗初公撰藝圃公傳舊譜採訪冊參脩

謹按省悉井反清涼也七政反昏定晨省

冬溫夏清本禮說洗讀鮮上聲潔也腴厚

也音忝本尙書說愛日本揚雄法言下榻

見後漢書徐穉傳寅音寅暗引也暗引緣

之以進

車坡糸十九世金田公

族昆弟竹溪公附

公諱祿蔭字金田廷睿公十九世孫而福高公子也父業醫蘭臺應世有釋家詣門求宿父察其有道氣許之宿傾蓋知交談

心相照遂授以神痘訣及技擊術金田公時方弱冠英慧絕倫
習其所授者數月皆徹而於神痘訣尤能悟其言外之意遂以
療痘知名凡菱塘鹿步閒有遘是疾者治之皆神效公生平謙
和無詔富欺貧年登九十燕毛白髮而顏若童年也所著有痘
科總覽迄於今斯世其業而名家者四世矣族昆弟祿廷字蔭
圖號竹溪響遠公子卽應今公來孫爲人慈厚少家貧弟妹皆
幼能奔走竭力以濟旣而習應今公傳以善兒科醫術著萬戶
回春年踰七十

據舊譜採訪冊參脩

謹按醫門有蘭臺之術

簡岸糸十九世建康公

弟普照公成憲公附

公諱金勝字孫揚號建康慕南公裔孫而敬亭公伯子也在昔

敬亭公事積和公勤子職其德有還客遺重金之行建康公剛直惇孝友世以竹林爲生伯與仲叔偕每行事潔而堅節如青竹然旅南海佛山咸豐四年甲寅紅巾賊爲亂會黨大燕有來脅從者公率兩弟羣子嚴拒之皆不從賊忍饑遯跡三元市時討賊者令馘以賞兵乃馘民爲功鄰人呼嗥求免馘賂之迺止公令家人杜門勿動賊闚之以爲無人遽去其後知者謂公曰佛山忠義鄉靈應祠今避賊禱之者每籤告云吉人是吉公雖未禱其吉豈不如是哉惠圃宗祠事道光末多不舉紅巾亂後宗人自鄉至請公旋鄉以圖宗事公定議每歲兩祭清明冬至行之如舊例每月朔望奉香燭楮幣每祭日年六十以上者縉紳者士應試者司事者飲酒合食年及七十領壽金又及八十

再領九十期頤遞加蓋公意嘗產未豐皆不以微薄廢禮而必先完國課按戶甲親投糧局不假手殷丁嘗產曠地命工多種龍眼樹所爲薳草灌肥滅樹蟲諸宜必自巡察每歲命工埽祠宇其主位則自以稻秆彗去其塵不使工爲之尙敬也凡入款出款先簿正且標數祠中雖過海一錢亦目而書之繇是宗人連舉而圖宗事者三十年每歲公自備資兩旋鄉赴祭期其七月鬪樹果委同事爲之未嘗旋鄉也咸豐七年丁巳七月朔忽而心動遽旋鄉入祠門而右則見舊龍眼樹大數抱者折其巨枝命工下所折者越日東風作公曰天將颺矣非伐其樹必傾焉有害命工伐之無幾何颺大至鄉中大樹傾而壞屋者衆惠圃宗祠幸無恙人皆謂公爲孝感也方圖事之初宗祠儀門朽

棹登皆失公卽資吾宗木工脩儀門造古樸丈餘長棹長凳俾
不易失時米翔貴公同叔子久旋鄉自膳董其事工竣乃返旅
次公六十時伯子爲製壽袍其後祖祠有慶設酒燕宗羣禮以
惠圃長房之長派裔孫主席而裔孫十七世顯趣公未有壽袍
欲以公爲代公不可自以壽袍假之使得主席乃自服布深衣
觀禮本房老顯煦公醉歸公命叔子扶之同治九年庚午公近
清明日返番禺韋涌之西涌祭遠祖汝恭公墓改名宦巽山公
家譜公迺爲姓族敘本命季子朝亮紀其實以傳之譜系明焉
公之母李其外家原在南海大桐田心邨亦旅佛山母年四十
八卒視敬亭公年七十二者異矣母卒久不瞑仲弟曰叔弟方
疾殆母雖死不以言今不得來宜母念之也迺告之故猶不瞑

女仲氏語叔氏曰母生三子三女而不永年將不能瞑女伯氏曰我則知之矣外王母無子母雖貧歲時饋養今母死未及言母之不瞑必以是也公以伯子哭泣長跪而請曰今母死兒輩事母之母黃如母之事母生則供其養死則主其喪母雖死願母無憂也遂瞑迄于後公與兩弟事外王母年九十六卒祭母墓必過外王母之墓欲子孫世世祭之以不忘母孝也族婣有喪紀公先至後罷嘗謂羣子曰道喜不急赴可也聞喪不急赴可乎旣赴之而不竭吾力吾心豈安乎鄉先生知公有是言而果行之也稱曰詩云凡民有喪匍匐救之公符其義矣女伯氏知母心者公妹也適張明漢妹出之女其夫鍾蚤亡有三子食與居皆乏子幼者生踰月以筐載之將鬻諸浮家公聞而止之

籌所卹妹夫張養外孫長者其幼者及母公使仲子負米薪給焉彼可自佐以女紅於是乎守節旌表三子有成君子曰公與妹夫張皆辛勤而爲卹非力有餘也是難能也光緒五年己卯十月二十九日公卒年七十二仲弟金斗字孫明號普照信惠任事佛山涌之大灣社旁路卑狹瀕水積潦傷行同治八年己巳仲弟以寒家起議改築石路高廣始終親監工不受薪水路成行人皆利然碑記孫明捐金惟壹錢八分耳而不知此路成皆其力也此仲弟讓不居功也叔弟金琛字孫宏號成憲素和厚隨伯兄尋葬親地不憚遠行囊芋蔗爲饑渴備久而不懈及葬伯仲叔皆勉以將事雖嚮無田廬未嘗爲田廬計而儉葬親焉當避賊時何中表以重金貯兄弟三人及賊平以重金復之

宛然故物無失也何中表義之其斯爲敬亭公之遺直歟仲弟
年八十卒叔弟八十二卒

據續舊譜採訪冊參脩

謹按馘者割賊左耳以獻也嗥讀號平聲
籤音簽楮讀儲上聲紙也期頤百年也期
音基薶音蒿秆古稗字彗音遂今手埽鬪
音投鬪取也颺音懼四方風具也棹爲卓
之假借字典從之饋養讀養去聲禮云男
女異長蓋各自分伯仲焉喪紀先至後罷
本漢書陳平傳匍匐音蒲逼爾雅云男子
謂姊妹之子爲出

又按此建康公傳皆爲大圃先塋表所未

及詳

又按建康公命工種龍眼樹已有果可鬻矣民國時賊人毀鄉中樹今多不存後之人當復種焉

又按韓文公謁衡嶽廟詩云潛心默禱若有應豈非正直能感通又云廟內老人識神意睢盱偵伺能鞠躬手持盃玦導我擲云此最吉餘難同蓋正直之吉由其爲吉人故也明史孝義傳言黃璽尋兄云至衡州禱南岳廟夢神授以纏綿盜賊際狼狽江海行二句一書生告曰此杜甫春陵行

詩也春陵今道州曷往尋之璽從其言蓋此果遇兄於道州也則神告有若斯也岳

與嶽通

簡岸糸十九世孫隆公孫創公

族子思隆公附

孫隆公諱閏開子意公子孫隆其字孫創公諱秋兆居政公子孫創其字皆慕南公裔孫也其爲人皆正直勤樸耐勞相繼管祖祠事連任多年族羣重焉簡岸鄉司鄉約所者六我族南北約居二司者酬金取之鄉約所田二十七畝我族大抵得四十八金而自補爲六十金同治以來鄉隄蝕款當事竟以鄉田質人期十七年而酬金不給乃盡由祖祠給之而祖祠當事又別蝕數百金人且以祭田操券矣子長公承裕公承達公孫達公

孫池公孫鼇公及街邊派和琨公和輝公和貫公等與族羣議起而救之於是司鄉約所者蓋二十年不受酬金鳳岐繼之亦不受以其金償祖祠之積負祭田給祭久而鄉田如質期乃得反當是時族事難矣先後羣舉孫隆詒燕孫創管其事而皆能不畏難也詒燕鳳岐皆和琨公子也光緒十六年十二月族羣議族內涌旁皆植水松由祖祠管事者植之皆收爲公利孫創如議植之繞水而行松子青陰族子森字思隆志英公子有智略連任祖祠事承孫創爲積餘增置祭田七畝有畸其後孫鼇公子占文率管祖祠事者於民國壬戌癸亥閒增置祭田皆若思隆之爲也

據採訪冊脩

謹按質音致畸讀幾平聲令甲有鄉約所